

**MESYUARAT KEDUA, PENGGAL KEDUA,
PARLIMEN KETIGA BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

**DARIPADA : YB. Dato' Wira Mohd Johari bin
Baharom
[Kubang Pasu]**

TARIKH : 12.06.2014 (KHAMIS)

NO. SOALAN : 63

Minta **MENTERI KEMAJUAN LUAR BANDAR DAN WILAYAH** menyatakan tentang pelaksanaan Program Bantuan Rumah (PBR) sejak 5 tahun lalu dan apakah ianya menepati sasaran. Jika tidak, berapakah bilangan yang masih belum menerima bantuan di bawah PBR.

JAWAPAN:

Tuan Yang Di-Pertua,

Pelaksanaan Program Bantuan Rumah di bawah Skim Pembangunan Kesejahteraan Rakyat (PBR, SPKR) kepada masyarakat luar bandar yang tergolong dalam golongan miskin tegar dan miskin adalah merupakan salah satu inisiatif Kerajaan untuk mengurangkan kemiskinan melalui penyediaan kediaman yang lebih selesa dan selamat.

Sehubungan dengan itu, bagi memastikan golongan sasaran ini menikmati bantuan yang diberikan, Kerajaan telah memperkukuh dan meningkatkan lagi sistem penyampaian melalui "**Focus Group**" **Pembasmian Kemiskinan** di peringkat nasional, negeri dan daerah yang berperanan dalam menyelia perancangan, pelaksanaan dan pemantauan PBR. Kriteria keluarga miskin dan miskin tegar yang layak adalah seperti berikut:

- i) Disahkan sebagai miskin tegar dan miskin serta berdaftar dalam bank Data Kemiskinan Nasional (eKasih); atau
- ii) Diperaku dan disahkan layak oleh "Focus Group" Pembasmian Kemiskinan Daerah (FGD); dan
- iii) Disahkan rumah sedia ada diperakui usang, daif atau tidak selamat untuk diduduki.

Untuk makluman Yang Berhormat, pelaksanaan PBR sejak 5 tahun lalu telah melepasi sasaran yang telah ditetapkan dengan **sebanyak 83,864 unit rumah telah dibina dan di baik pulih dengan pembiayaan berjumlah RM1.77 bilion.** Pihak Kerajaan sesungguhnya komited dalam memastikan mekanisme penyampaian bantuan PBR yang telus dan adil agar bantuan dapat dinikmati oleh golongan sasaran.

MAKLUMAT TAMBAHAN

Jadual 1: Peruntukan Program Bantuan Rumah bagi Tempoh Pelaksanaan Tahun 2009 sehingga Tahun 2013

Tahun	Peruntukan (RM)	Projek		
		Bina baru (unit)	Baik Pulih (unit)	Jumlah (unit)
2009	551,400,000	13,351	6,116	19,467
2010	431,616,043	6,204	10,722	16,926
2011	300,000,000	5,307	9,058	14,365
2012	302,921,100	4,646	17,439	22,085
2013	189,250,000	2,820	8,201	11,021
Jumlah	1,775,187,143	32,325	51,536	83,864